

Útkomið í A-deild Stjórnartíðindanna 1941.

Auglýsing um kosning ríkisstjóra, undirskrifuð af ráðuneyti Íslands, handhafa konungsvalds, 17. júní 1941, nr. 104.

Reglugerð fyrir veðdeild Landsbanka Íslands um útgáfu á 13. flokki bankavaxtabréfa, samkvæmt lögum nr. 94 9. júlí 1941, um heimild fyrir veðdeild Landsbanka Íslands til að gefa út nýja flokka bankavaxtabréfa, undirskrifuð af viðskiptamálaráðherra 12. ágúst 1941, nr. 105.

Lög um húsaleigu, undirskrifuð af ríkisstjóra 8. september 1941, nr. 106.

Bráðabirgðalög um viðauka við og breyting á lögum 8. sept. 1941, um húsaleigu, undirskrifuð af ríkisstjóra sama dag, nr. 107.

Lög um byggingar- og landnámssjóð, undirskrifuð af ríkisstjóra 9. október 1941, nr. 108.

Lög um heimild fyrir dómsmálaráðherra til þess að veita leyfi til veðmála-starfsemi í sambandi við kappreiðar og kappróður, undirskrifuð af ríkisstjóra sama dag, nr. 109.

Lög um fiskveiðasjóð Íslands, undirskrifuð af ríkisstjóra sama dag, nr. 110.

Lög um eftirlit með opinberum sjóðum, undirskrifuð af ríkisstjóra sama dag, nr. 111.

Lög um lax- og silungsveiði, undirskrifuð af ríkisstjóra sama dag, nr. 112.

Opið bréf, er stefnir saman Alþingi til aukafundar mánudaginn 13. október 1941, undirskrifað af ríkisstjóra sama dag, nr. 113.

Reglugerð um viðauka við reglugerð fyrir Háskóla Íslands nr. 8 frá 9. okt. 1912, undirskrifuð af ríkisstjóra 18. október 1941, nr. 114.

Auglýsing frá ríkisstjórninni, birt í 37. tbl. Lögbirtingablaðsins 1941, um siglingabann brezku herstjórnarinnar í Hvalfirði.

121
15. júlí

Brezka herstjórnin hefur tilkynnt, að allar singlingar um Hvalfjörð skuli bannaðar fyrir innan línu, sem hugsast dregin milli Innra-Hólms (64° 18' 16" N, 21° 55' 52" V) og Kjalarness (64° 13' 52" N, 21° 54' 47" V).

Ef óskað er eftir að sigla skipum inn fyrir ofangreinda línu, verður að leita aðstoðar brezku flotayfirvaldanna í Reykjavík um leiðsögu.

Jafnframt afturkallast tilkynning ríkisstjórnarinnar, dags. 23. desember 1940, birt í 71. tölublaði Lögbirtingablaðsins 1940, og tilkynning, dags. 6. febrúar 1941, birt í 9. tölublaði Lögbirtingablaðsins 1941, að því er varðar tálmanir á siglingaleið um Hvalfjörð.

Auglýsing frá ríkisstjórninni, birt í 40. tbl. Lögbirtingablaðsins 1941, um umferðatálmanir vegna hernaðaraðgerða brezka setuliðsins í Hvalfirði.

122
30. júlí

Vegna hernaðaraðgerða brezka setuliðsins hefur herstjórnin sett eftirfarandi umferðatálmanir við Hvalfjörð:

1. Bannað er að hafa meðferðis ljósmyndavélar og taka ljósmyndir á svæðinu innan hugsaðrar línu frá Saurbæ á Kjalarnesi að 574 m hæðamerki á Akrafjalli, þaðan



að vegamótum vestan Lambhaga og þaðan meðfram Laxá sunnanverðri að Þórisstöðum til 585 m hæðamerkis á Veggjum og þaðan að 848 m hæðamerki á Hvalfelli að 787 m hæðamerki á Kili, en frá Kili að 771 m hæðamerki á Skálafelli og þaðan að 909 m. hæðamerki á Esju og þaðan til Saurbæjar á Kjalarnesi.

Sjá meðfylgjandi uppdrátt.

Á svæði þessu mega menn búast við að þurfa að gera grein fyrir sér og erindi sínu.

2. Bannað er að koma inn á svæði þau, sem herinn hefur bækistöðvar á að Saurbæ, Hálssnesi, Hvammsvík, Hvítanesi, Þyrilsnesi og Hrafneyri. Þar sem svæði þessi skera þjóðveginn verða reistir staurar málaðir með breiðum rauðum og hvítum röndum. 122
30. júlí

Á þjóðveginum innan þessarra svæða mega engin farartæki nema staðar, en umferð um veginn er heimil.

3. Íslenzkar flugvélar mega ekki fljúga nær Hvalfirði en annars vegar frá Reykjavík lágt yfir Akranes, lágt norður eftir Borgarfirði norðan Hvítárvalla unz komið er austur fyrir 21. gr. 7 m v.l. og hins vegar frá Reykjavík sunnan Þingvallavegar að Þingvöllum og svo austan Þingvalla unz komið er norður fyrir 64. gr. 36 m n.br.

Er hér með alvarlega brýnt fyrir þeim, er þessar leiðir fara, að brjóta ekki gegn banni þessu.

Auglýsing frá ríkisstjórninni, birt í 42. tbl. Lögbirtingablaðsins 1941, um bann brezka setuliðsins gegn því að varpa akkerum nálægt sæsíma suður af Engey. 123
5. ágúst

Brezka herstjórnin hefur tilkynnt, að talsímaþráður liggi um 160—170 metra fyrir austan hólmann suður af Engey, til staðar, sem er um 230 metra í 258° stefnu frá Laugarnesspítala.

Bannað er að varpa akkerum í námunda við þetta svæði.

Auglýsing frá ríkisstjórninni, birt í 48. tbl. Lögbirtingablaðsins 1941, um endurnýjun ferðaskírteina skipa hjá brezku flotastjórninni. 124
5. sept.

Brezka flotastjórnin hefur tilkynnt íslensku ríkisstjórninni, að nauðsynlegt sé, að öll íslensk skip, 10 til 750 smál. að stærð, fái endurnýjuð, eins fljótt og hægt er, ferðaskírteini þau, sem um ræðir í tilkynningu ríkisstjórnarinnar, dags. 7. marz 1941.

Skírteini þessi fást hjá brezku flotastjórninni í Reykjavík, Akureyri, Seyðisfirði og Vestmannaeyjum.

Auglýsing frá ríkisstjórninni, birt í 50. tbl. Lögbirtingablaðsins 1941, um afgreiðslu ferðaskírteina skipa. 125
23. sept.

Samkvæmt ósk brezku hernaðaryfirvaldanna tilkynnist hér með, að ferðaskírteini skipa 10—750 smálestit, sem um ræðir í tilkynningu ríkisstjórnarinnar, dags. 7. marz og 5. sept. 1941, verða afgreidd sem hér segir:

Í Reykjavík hjá brezka aðalkonsúlnum.

Á Akureyri frá brezka vice-konsúlnum.

Á Seyðisfirði hjá brezku flotastjórninni.

Í Vestmannaeyjum hjá brezku hernaðaryfirvöldunum.